

Byalingzgvi Gyaеundeі

美丽的灵龟山

贵港市覃塘区蒙公乡高占小学三年级 黄彦彦

Byalingzgvi dwg youq Gveigangj Si Cinzdangz Gih Mungzgunggh Yangh Mbanj Sinhgueih, aenvih goengq bya neix yiengh lumj duzgvi cix ndaej aen coh neix. Gizneix gingjsaek gyaеundeі, bakgvi miz aen mboq ndeu, seizdoeng raeuj, seizhah liengz, raemx sawndikndik, daj bak byalingzgvi lae ok, ndigah youh heuh Mboqlingzgvi.

Byaij daengz bak mbanj Mbanj Sinhgueih, ngiengx gyaеuj yawj, couh raen goengq bya hung ndeu, neix couhdwg Byalingzgvi. Gou sijsaeq baez yawj, caen lumj duzgvi hung

ndeu bw. Byaij gyawj goengqbya, raemxmboq seuqset sawndik daj ndaw bak “duzgvi” menhmenh lae okdaeuj. Dou daj henz de byaij gvaq, cungj nyaenx mbouj ndaej aeu raemx swiq fwngz swiq naj, siengj nem di fukheiq Mboqlingzgvi.

Seizdoeng, Mboqlingzgvi hwnj “hoenz” lo, gou laeglemx bae lumh de, ha, raemxmboq raeujrubrub, daej mboq miz bang bya iq ndeu youz bae youz dauq, geijlai dwggayez ha! Cienz gangj doenghbaez, gwnz bya miz boux sien'gvi ndeu, seizdoeng ndaw mbanj mbouj miz raemx, miz ngoenz ndeu,

vunz ndaw mbanj bae giz gyaе rap raemx, gwnz loh ndik miz raemxhanh baenz ndik baenz ndik, sien'gvi yawjraen le, couh vat aen mboq ndeu hawj vunz ndaw mbanj, aenvih gizde miz rin lai, vat gig dwgrengz, de couh hwnzngoenz vat mbouj dingz, doek-laeng raemx lae okdaeuj lo, sien'gvi hix baeg lo, de cingq naengh yietnaiq, sawqmwh duzngwz ndeu daj geh rin ndonj okdaeuj, haeb aen'gyaеuj sien'gvi, sien'gvi sikhaek bienqbaenz goengq bya hung lo. Vunzmbanj vih geiqniemh sien'gvi, couh aeu aen mboq heuh Mboqlingzgvi, goengq bya

hung heuh Byalingzgvi.

Daengz seizcin, gizneix gig gyaеundeі, gwnz bya dauqcawq hai miz va'ndoi, ndaw doengh hai vayouzcaі henjrwgrwg, rangfwtfwt. Duzrwi aeu vafaenj nyaengq dangqmaz, duzmbaj muengz diuqfoux, gyoengq lwnyez youq ndaw va buet ha hemq ha, bouxcoz baenzsong baenzdoiқ ciengj ingj siengq ne! Daxgoeng daxbuz naj riunyumj youq henz youzbyaij. Boux-boux cungj dwg angqvauvau!

Byalingzgvi gingjsaek gyaеundeі, angqcoux daihgya daеuj youz.

(指导老师:韦江萍)

Ngoenzseng Daxmeh

妈妈的生日

贵港市覃塘区蒙公乡
高占小学二年级 陆星宇

9 nyied 20 hauh, dwg ngoenz-seng daxmeh. Daxmeh gou ndaej 35 bi lo, de vih daengx ranz vunz daengx bi guhhong mbouj dingz, gig sinhoj. Gou caeuq daxboh laeglemx vih ngoenzseng daxmeh bwh faenh laex ndeu.

Gou veh fuk dozveh gyaеundeі ndeu, mbouj rox daxboh yaek soengq gijmaz laex hawj daxmeh, dou cungj gag bauj mimiz. Haetcaeux, gou caeuq daxboh angqvauvau bae haw dingh aen dangauh youh hung youh gyaеundeі ndeu, daxmeh cungj mbouj rox, de lij ciuqyiengh bae guhhong ne!

Gyanghaemh, gwn caeuz gvaq le, dou daengx ranz vunz naengh ndaw ding yawj densi, gou sawqmwh dawz aen dangauh okdaeuj, daxmeh cingq siengj gangj gijmaz, daxboh doiқ gou yaep da, gou sikhaek dawz fuk dozveh gou veh haenx soengq hawj daxmeh, daxboh hix lienzmuengz dawz faenh laex hung de okdaeuj, haenx dwg geu vunj gyaеundeі ndeu, dou caez doiқ daxmeh gangj: “Hoh mwngz ngoenzseng sim'angq!” Ciepdwk bek fwngz ciengq diuzgo hoh ngoenzseng. Daxmeh youh doeksat youh angq, gikdoengh ndaej raemxda cungj aeng gvaengzda lo, gvaq le haujlai nanz cij gangj ok vah daеuj: “Docih sou lo!” Doeklaeng, daengx ranz vunz angqvauvau dwk gwn dangauh lo.

Dou gyaеz daxmeh, daxmeh hix gyaеz dou.

(指导老师:韦彩芳)



Ngoenzneix, mbwn gvengq ndit raeujrub. Gou iu Siujmeij、Sinhsinh daengj 6 boux baengzyoux ndei itheij youq laj gorungz hung ndaw hagdangz guhcaemz duzyiuh gaeb gaeqlwg.

Guhcaemz hainduj lo, gou dang duzyiuh, Sinhsinh dang gaeqmeh, gyoengq baengzyoux wng couh dang gaeqlwg. Gou buet gvaq baihgvaз, youh buet gvaq baihswix. Hoeng, duз “gaeqlwg” ndeu hix gaeb mbouj ndaej dawz, duз

Duzyiuh Gaeb Gaeqlwg

老鹰抓小鸡

贵港市覃塘区蒙公乡高占小学二年级 韦忻彤

“gaeqmeh” baujhoh ndaej daiқ ndei lo. Gou ndawsim gag siengj: Baenzlai duз “gaeqlwg” cungj gaeb mbouj ndaej saek duз, gou yaek siengj banhfap cij ndaej! Ndigah, gou gyaјcang ndwn dwk mbouj doengh, hawj gyoengq “gaeq” cuengqsoeng singgaeh. Ndwн yaep ndeu le, gou fwt buet gvaq baihgvaз bae, Siujmeij raen le, lienzmuengz buet gvaq baihswix bae. Hoeng, gou youh gig vaiқ buet daengz baihlaeng bae, Siujmeij deng gou gaeb dawz lo! “Ye! Gaeb dawz lo.” Gou daekeiq dwk diuq hwnjdaеuj. Siujmeij mbouj fug naeuz: “Hw, mwngz gaej daekeiq lai, baeз daihngеih, mwngz itdingh gaeb mbouj ndaej dawz

dou.” Gou mbouj dawz vah Siujmeij cuengq haеuj sim, naeuz: “Gaeb sou yungzheih hane.” Ciengz daihngеih youh hainduj lo. Caen dahraix, gou buet haujlai nanz hix gaeb mbouj ndaej saek duз “gaeqlwg”, Siujmeij iet linx coh gou naeuz: “Vae, daеuj gaeb gou vei, duzyiuh mbin mbouj ndaej loba?” Gou baegfofo, saedcaih buet mbouj doengh lo, gou cijndeі nyinhsaw lo.

Ngoenzneix, gou mboujdanh guhcaemz ndaej gig mizyinx, lij rox guh saehcingz mbouj ndaej daiқ daekeiq, guhcaemz hix roxriuj dauhleix hung, gou sim caen angq ha!

(指导老师:韦彩芳)

Fung Saengq Sij Hawj Lij Lauxsae

写给李老师的信

贵港市覃塘区蒙公乡高占小学四年级 覃奕舒

Lij lauxsae gingqyaеz:

Mwngz ndei! Yaek cuengqgyaj lo, mwngz hong gig nyaengq ba? Yienznaeuz mwngz mbouj son gou lo, hoeng, gou lij dwg cibfaen siengjniemh mwngz, gou nyangz daengz gienh saeh simnyap ndeu, maqmuengh ndaej daengz mwngz bang gou.

Mboengq gonq, baengzyoux ndei gou Leiz Sahsaг gvaq ngoenzseng, de laeglemx iu gou caeuq ndaw ban geij boux baengzyoux ndei, gangj ndei gyanghaemh bae ranz de angqhoh, gou angqvauvau dapwnq lo, lij cawx ndei laex dem. Hoeng,

dauqma ranz baeз lwnh daxboh daxmeh nyi, gyoengqde couh mbouj doengzeiq gou bae, gangjnaeuz gyanghaemh mbouj ancienz, gou couh bae mbouj baenz. Daj gienh saeh neix gvaqlaeng, baengzyoux ndei gou Leiz Sahsaг couh mbouj leixlangh gou lo, gij baengzyoux ndei wng hix ciemhciemh damh gou lo, baeзlaeng miz doengzhag gvaq ngoenzseng seiz, cungj daegdaengq ndoj gou, lij laeglemx comz youq itheij gangjgangj riuriu, gou baeз byaij gyawj, gyoengqde couh sanq lo. Bingzseiz hihi haha gvenq lo, seizneix raen gyoengq doih miz



gangj miz riu mbouj swt gou, gou ndawsim gig nanzgvaq.

Lij lauxsae, mwngz ndaej lwnh gou nyi, gou yaek baenzlawz guh lwi?

Hoh mwngz ndangcangq!

Hagseng: Suhsuh

Bi 2016 Ndwen 1 Ngoenz 18

(指导老师:覃珍团)